

OFFERYNNAU STATUDOL CYMRU

2018 No. 191

Rheoliadau Addysg (Cymorth i Fyfyrrwyr) (Cymru) 2018

RHAN 6

BENTHYCIADAU AT FFIOEDD DYSGU

Amodau cymhwyso i gael benthyciad at ffioedd dysgu

39.—(1) Mae myfyriwr cymwys yn cymhwyso i gael benthyciad at ffioedd dysgu mewn cysylltiad â blwyddyn academiaidd o'r cwrs presennol oni bai bod un o'r eithriadau a ganlyn yn gymwys—

Eithriad 1

Pan na fo'r cwrs presennol yn gwrs mynediad graddedig carlam, mae'r flwyddyn academiaidd yn flwyddyn Erasmus o gwrs a ddarperir gan sefydliad yng Ngogledd Iwerddon.

Eithriad 2

Pan na fo'r cwrs presennol yn gwrs mynediad graddedig carlam, mae'r flwyddyn academiaidd yn flwyddyn y mae myfyriwr yn gymwys i wneud cais mewn cysylltiad â hi am—

- (a) bwrsari gofal iechyd, neu
- (b) lwfans gofal iechyd yr Alban,

a gyfrifir drwy gyfeirio at incwm y myfyriwr (pa un a yw swm y cyfrifiad yn cyfateb i ddim ai peidio).

Eithriad 3

Pan fo'r cwrs presennol yn gwrs rhan-amser neu'n gwrs mynediad graddedig carlam, mae'r flwyddyn academiaidd yn flwyddyn Erasmus o'r cwrs a ddarperir gan sefydliad yn unrhyw ran o'r Deyrnas Unedig.

Eithriad 4

Mae'r cwrs presennol yn gwrs dysgu o bell ac nid yw'r myfyriwr yng Nghymru ar ddiwrnod cyntaf blwyddyn academiaidd gyntaf y cwrs.

Ond nid yw'r Eithriad hwn yn gymwys pan—

- (a) bo'r myfyriwr ("M") neu berthynas agos i M yn aelod o'r lluoedd arfog,
- (b) na fo M yng Nghymru ar ddiwrnod cyntaf y flwyddyn academiaidd gyntaf, ac
- (c) na fo M yng Nghymru ar y diwrnod hwnnw oherwydd bod M neu'r berthynas agos yn gwasanaethu fel aelod o'r lluoedd arfog y tu allan i Gymru.

Gwybodaeth Cychwyn

II Rhl. 39 mewn grym ar 12.3.2018, gweler [rhl. 1\(2\)](#)

Statws

Golwg cyfnod mewn amser fel yr oedd ar 02/03/2020. Mae'r fersiwn hon o'r hwn (hon) disodlwyd y ddarpariaeth.

Newidiadau i ddeddfwriaeth:

Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.